



和16
1.184
8



待

儼

孰

集

卷之八

八 16
1184
8

儼塾集卷之八 詩

感懷七

遊靈松寺過三好長慶墓

在高槻城北

岩畔綠苔經幾年荒墳松老自蒼然姦雄一去無人

問山鳥空吟古寺前



題豐林寺廢豐國明神祠

庚戌春寓阿州經過此所即太閤豐臣公之祠囊時諸國造之倣彼原廟今悉廢之

茫茫春草沒豐林長使詩人動感吟七十年前豪傑廟可憐朱檻倒松陰

次韻西尾昌春題豐林寺

囊是誤



春風長綠萬梢松。自與山櫻無改容。傾側玉樓無客問。對花猶恨盛粧濃。

三井寺感懷

湖水朝輝映翠岑。前程高閣好登臨。佛場往日兵戈地。古壘猶殘茂樹陰。

秋風

西風一樣白雲飛。吹送新涼入葛衣。物色回旋何處至。塔前草木自淒悲。

遊叢林寺

學窓暇日。與淺見順良。叢林寺。順良有詩。次其韻。

昌琳二先生於東山叢林寺。順良有

境遠塵寰脩竹林。騷人詞客坐閑吟。寺前何物堪嗟悼。千載古碑空綠陰。

夜雨偶懷

聽雨茅堂思靡垠。欲叙興趣卻勞煩。文章可學唯韓杜。希望多年未窺藩。

過天龍寺

荆棘撐崖蘭葉紅。舊基半設佛陀宮。山形依舊人非昔。足利夢窓共一空。

馘塚感懷

太閤豐臣公嘗擊朝鮮埋其馘之處
步過馘塚崖。夏草自離離。懷古發慷慨。感時生痛悲。

興軍無以義致討有何辭空築一堆土長哀萬里師

詠史詩

獨繙青史對燈檠治亂幾回發嘆聲遙想昔年興廢事下陵上替苦民生義輝沒後天威判七道五畿皆甲兵晴信由來籌策士伐虛避銳有誰爭官領棄軍寘于越輝虎受禪越始劫北地妖氛曾未止信長漸大築安城一朝連結兩雄比恰似秦時約從衡思利求功終變約耗勞自斃輝及晴信長鎮國為方伯自謂中原莫之京忽被微臣光秀穢此時天下再鎗鎗西有鳴津東北條毛利中據如長鯨秀吉嘗為平氏

官管記

哀龍文衣
九章山寺
天子三川衣

宰折衝破敵勝韓彭聲罪致討誅光秀獨立號呼王
夏沮四海引頸舉為有於是差兵征大明帶甲堂堂
三十萬舳艫千里耀旗旌先侵朝鮮逐李昭渠寬請
和來輸平克伐服人本非正豐臣身歿各離情諸公
哀哀歸吾辟強暴必顛忠信榮仁澤從來及枯骨
儒風化俗學周程觀今感古坐哀嘆東方漸高客心
驚

病夜賦志呈藤田逝川 二首

其一

夜來耿不寐枕上五更深誰得百年壽卻傷一寸心

何時出市井。永日在山林。多病當修養。不須外物侵。

其二

勞衰身漸痺。良藥得之難。心竊待天曉。氣澄知夜寒。子桑窮不苦。原憲貧何嘆。從是無憂患。致誠死亦安。

山路有感

山形無處不奇新。岩骨峰頭各有神。本是天然無造作。人間如此即真人。

懷古 並序

天和辛酉秋。寓居江戶。偶吟得管丞相都府樓纒看尾色。觀音寺只聽鐘聲之句。感慨無極。咏嘆有

餘。於是折兩句冠章首。綴成七韻。蕪詞以自慰。羈情嗚呼。下官生涯飄蓬。流落遠地。不遇乎時。偶誦管君謫居之辭。雖千歲之後。不覺令衣袖。潛然豈無言乎。

都城相望路漫漫。府近西蕃獨考盤。樓轉人稀春日永。纔殘花朵發悲嘆。看雲峰起偏驚夏。瓦缶雷鳴秋亦闌。色添慘悽冬晚雪。觀時詠物淚無乾。音含怨恨庭蟲響。寺院挑燈吟袖寒。只有梅花孤皎潔。聽香且喜破憂端。鐘催深省曉。夫外聲至無聲。適散間。

閑居偶懷二首

其一

閑來坐不言。自省覺勞煩。何失本根要。卻追枝葉繁。
轉身遊遠域。任意扣諸門。已矣停馳散。朝朝須養存。

其二

窮通皆有命。流落自無端。藥物隨多病。文書備獨觀。
難招天日速。無奈母年闌。春至不窺死。下帷終日間。

和人偶懷韻

榮落浮沈幾度回。消憂在此兩三盃。功名亦好退居
好。君子中時道至哉。

請浪速天滿宮呈如松子 戊辰歲

天滿宮前梅與松。枝枝仍舊綠陰濃。矯頭思得月晴
句。夢裡通神誰若公。

先生曾感靈夢和歌麻底志波志與乃宇岐久毛
波加加留土毛麻古登乃都幾乃波礼佐羅迷也
波此歌備 仙院御覽

病中偶成 庚午歲

病來深鎖門。花落綠陰繁。子規聲何促。黃鸝語亦喧。
避熱懼堯日。惡風負義軒。夢魂隨蝶去。栩栩入林園。

歲暮

簷前風雪歲云寒。感慨無窮至夜闌。華洛浮沈如昨
夢。常陽歷覽似今看。檢書幸免人間鬧。移宅苟求心

栩栩自得

裏安往事忙忙總休說東皇明日正變端

和吉弘子常韻

羨子局中詩思新揮毫屢寄舊時親可憐史館無閒暇又問病家孤負春

和人晚春作

花雲收盡後新綠擁螺青吟斷心多苦酌稀眼獨醒薰風吹藝苑斜日上書檯春去成何業忸怩羞考亭

次好青館王韻 並序

好青館王閱鷺峰集中福住如松子松竹梅詩跋感慨賦絕句投示不接受讀增添悲嘆於是次韻

倭倭誤

叙懷

三題百首演文雅真趣元非名利謀學士褒辭華衮賜福家聲譽萬年流

問一枝軒病

厭煩避囂塵何物絆斯身自從罹宿疾難得保天真應有輕生志亦無護病人日昏扉不掩風入散衣巾

秋晚偶懷 得十字

冷冷殘雨簾櫳浥西南風聲晚來急才短未成一寸功自愧空過秋九十

筑波感懷

奇峰兩立對西東。絕頂神祠聳碧空。一氣元來交感理。正知山亦有雌雄。

晁雨訪病家

醫業日勞劬。雨中亦在途。扶筇涉泥濘。捧傘入街衢。花落獨無顧。綠濃誰與俱。餘春何暇惜。冗冗問民瘼。

詣舜水祠堂觀察 並序

明徵君文恭朱先生。命世之才。遭亂流落在我邦。水戶相公厚遇之。先生天和壬戌年。已沒爾來十有四年。每歲四月十八日。諱辰祭祀。最謹門人奉事不怠。僕此日拜祠堂有感而賦。以呈安積。

于先

明季綱弛復不振。命世無奈道遇屯。中原冠繼金元踵。尾解堪憐塗炭民。先生未逢漢室。曾雛鳳卧龍從。沈淪心疲身瘁。憂彼世風變俗殊。度幾春邴原玉烈。可與適不屈。恰似天祥仁安南。行役事尤危。輒蹈東海長崎津。水戶去崎數千里。相公恭待爲上賓。冠巾衣服依明制。禮遇稱心初聞輦。一朝遠遊居帝側。無由招降仰蒼旻。儼然祠堂蒲田邸。灑掃常用絕些塵。豈惟生本敬匪懈。奉祀猶同骨肉親。蓋畢設具脩香烈。蓮豆羅列薦鮮新。濟濟漆漆威儀整。鞠躬拜與

共參神。若今故舊觀今日。應知大典在東隣。鯁生往時在京洛。遂違秦斗懷哀呻。祇今結交二三子。感嘆裁詩情緒陳。

膳棚淵懷舊

並序

僕嘗不習泳水。往時陪高駕遊膳棚淵。陷沒垂死。幸得免而歸。屈指已十年也。

憶昔十年前。偶來入此淵。未知游水術。誤學步瀾仙。被助艱難免。荷恩生命全。短才逢今日。卻笑李青蓮。

題千里月

雲幕初收處。明輝千里同。望鄉情不已。懷舊思無窮。

唯寄百年命。未成一寸功。遙吟伸意緒。通夜照衰躬。

栗栖遇雨

湖上朦朧涼色橫。飛雲鬢鬢滿前程。須臾雨脚滂沱至。頃刻樹頭蕭颯鳴。昨夜星辰雖示象。今朝山水奈無晴。天時人事或如此。靜對風烟百感生。

過西山後路

壬午歲○西山是源義公之山莊也

仍舊松交翠。叢深山更幽。鹿馴無客伴。鶻叫有人愁。洞口留風韻。溪頭想雅遊。桃源橋畔路。悲淚濺清流。

感義並序

二月四日當先考忌辰。追想紫野真珠菴北域痛。

心罔極。偶忝友人來會。儼塾因言去年今日。大石
內藏助等。竭忠報讎。殉節者四十餘人。在武陽仙
岳寺。自盡矣。聞說是時也。天陰慘黯。雲雨凝結。又
仲冬念二日。地大震。岩壁頽倒。唯大石氏及同列
忠士之碑。無些傾欹。嗚呼。至忠至義。感動穹壤。誰
不景慕哉。友人各題詩文。褒歎。余亦賦詩云。
此日何辰。仲春四。往年先考就泉時。偶逢大石之周
忌。共葬禪林也。一奇。天感無涯。凝淚雨。地震不毀。仰
靈碑。九原應喜聞。忠義密備牌前。義友詩。

題義士墓

並序

三木成蹊。會友賦詩。吊大石內藏助等四十餘人。
義士以一代名超。古為題。余亦同賦。

報讎殉節。古來稀。大石諸君。忠烈輝竹帛。所垂餘義
氣。丹青欲畫奈靈威。寺園碑短。佳名永。泉路骨癯。德
貌肥。寄語士人存志者。須臨此墓。至心祈。

自題

天涯書信少。無客問衡門。命薄兼才拙。家貧且事繁。
去非仁宅廣。无愠道心存。吟取羅公句。自然無怨恩。

羅豫章詩。人心唯得如空水。與物自然無怨恩。

春日過西山前路桃源橋感懷用前韻

春至桃源路花稀洞口幽西山都似夢增井更添愁
憶昔承高命叨常陪勝遊人間無不變不變是溪流

哀悼人

慰如松先生失幼女並序

寬文己酉孟冬如松先生忽喪閨秀嗚呼修短有
命逝者不可禁慟哭何益欽慰哀情云

吉凶得失豈思量君子亦遇斯不祥庭上枯蘭千斗
淚塔前飛雪九迴腸哀情假令似東野病眼奚為如
卜商世上窮通皆有命人間未見此文亡

故日州刺史永井君輓詞並序

修當作脩

寬文辛亥正月九日日州刺史永井君捐館家大
人奉輓詞僕亦效之二首

惜潛誤

岸風昨夜失江船泉路悠悠淚惛然嘗為治功損上
壽人間何處得和扁
草木傷衰啼鳥愁武林春色也如秋淚痕滿袖唯惆
悵君在帝傍不可求

悼如松子先生喪萱堂及妹並序

延寶丙辰孟春如松子先生萱堂忽損館令妹又
追逝嗚呼哀哉不祥而重凶愍小生有從門之好
不可不慰哀戚聊綴輓詞以奉廬前

損捐記

敬先集卷之六

萱枯棣落藥欄寒。世事須為夢裡觀。高唱蓼莪薦孝子。無情禽鳥助悲歎。

延寶戊午孟秋初二日。通仙院剛室瑞堅先生捐館謹奉挽詞。

不料一朝昇帝鄉。鈞天廣樂餘響長。杏林陰德幾救命。他日兒孫功業彰。

戊午九月二十一日。值真珠庵一休禪師二百

諱目作忌

回諱賦小詩呈庵主宗堅首座

天青日白寶山晨。香水灑地絕點塵。二百回辰何事在。松梢仍舊菊花新。

百四主後主清帝文明三年辛丑逝去百一主後小松帝應永元年甲戌生壽今有八至文德三年三百九十八年

伊藤休以老我先考忘年之友也。庚申冬謝世。因賦哀悼詩贈令子豐貞丈。

霜露方降永夜寒。可憐孝子焦心肝。我翁曾有陳雷好。追想舊交淚不乾。

稻津泰庵訪余寓居時。家書忽至告祖父及伯母之捐館。泰庵欲讀則潛然不能終卷。不佞相對共加悲歎。於是賦詩弔慰。

一簡遠來鄉里書。孝孫跪讀意何如。此時腸斷無由掩。未問平安淚滿裾。

梅竹墩大友君輓詞 貞享丁卯歲

王事未終業遺名著驚恭友于和順面孝矣婉愉容
文筆驚風雨詩書習夏冬天門遊不復泉路往無從
月殘常惻惻日落益懔懔哀慟北卬下悲風我淚洵

學窓林子輓詞

宦遊志道弱冠初住世曾經幾嶮阻用力禮儀三百
教研精小學五倫書歌成風韻味無極筆落天然工
有餘仁者為隣元所擇一朝永訣奈吾廬

今井將興輓詞二首 今井氏諱弘濟字將興號曾齋舜水朱文恭先生之

門人仕我公勤于史館有文名元祿己巳歲沒

其一

曾魯誤

奉公專用力黽勉惜居諸考定源平記纂修南北書
短齡憐賈子多病比相如可悼文恭學不遑傳緒餘

其二

忘年交日淡許我稱知音斷斷英雄質嗶嗶狂簡心
文章工體制盃酒豁曾襟霜刃未全試怒舟不可尋

悼超光院受貞孺人 庚午歲

風急無維夜壑船赴音忽報淚潸然菊楓衰謝初冬
夕一片白雲南海天 潛

森田不遠居士輓詞一首 癸酉夏

其一

赴寺作詩

此翁德業優處世不多求太守常稱善勲臣亦問猷
平生玩載籍退隱寄扁舟良木何摧破杖朝纔四秋

其二

馨德感州閩素心守淡如事君三世際保壽八旬餘
親族皆脩業兒孫各得居天哉無愁遺長夢入華胥

奉悼故江州刺史永井君二首 乙亥夏

勤勞不日未成名豈謂今晨祭兩楹遺體雖收泉涌
寺忠魂當在武陽城

誓願拜手古禪林一瓣拈香呈寸心三十八年槐下
夢醒來去處有誰尋

過橫山內記君墓二首

馬鬣成封已七霜青苔濃處淚滂滂生時顏色如今
見六十九年夢一場
嘗賦生平寄我翁時書興趣報明公追思往事皆無
有夏助餘哀塚上風

余語古庵先生挽詞 並序

余語古庵先生姓菅原其先近江余語人仕織田
氏而住尾張至考良仙移于東武事 台德公後
以醫事 大猷公保壽而終先生繼其業受和氏
驢庵傳事 嚴有公及 今大樹公天和二年叙

法眼先生舊名以雪授位記時改其字作以勇賜之
自是呼以勇號稱古庵元祿七年致仕八年五月
十九日病卒年八十先生與予先考同師共業故
予常厚敬至沒不堪哀慟之至聊作挽詞
父執加恭敬業同被眷憐好仁心有樂居簡行無愆
三折肱求術數錐股警眠憲章張易水祖述葛稚川
橘杏佳名遠芝蘭馨德全子孫唯愛日朋友是忘年
嘗中醫官選久觀相府蓮退休茅屋裏安坐竹欄前
緇籍師玄聖對棊伴地仙華昏遊忽促夜壑不藏船
近藤語石居士挽詞 並序

近藤語石居士髫歲見 東照神君於駿府爾後
歷事 大樹公三世竟致仕今孫承重 今大樹
公嘗在藩日居士奉謁被恩遇其自少至老剛態
毅狀清介端慤爲時所稱元祿九年二月二日罹
微恙卒歲九十一尚謙忝眷顧有日不堪哀慟謹
賦挽詞二首

其一

七歲入駿城四年侍柳營心肝皆義勇言貌悉忠誠
勤謹奉公事優游送老生雖存伏波志治世豈揚名

其二

九旬黍一炊。曾歷幾清時。武試諸方客。禪參異域師。
守真能勝物。正道更無私。先祖助君業。今孫爲世規。

題上池院追慕和歌 並序

上池院坂大醫菟提離萱堂。白首追慕彌深。賦和
歌見情思。不堪感嘆。於是呈詩二首 丙子歲

北堂萱冷小兒時。六十一年恭奉祠。草露零晨悲罔
極。和歌應比蓼莪詩。

聞說先人襁褓中。嘗離慈母事相同。和歌呼起百年
夢。悲淚潛然秋暮風。

悼人見子傳 小野參議之後。氏人見諱傳字子
傳。號懋齋。仕水戶公。嘗爲史館總

潛潛誤

裁。後遷扈從。長兼掌邦內
神祠佛宇事。詩中聊述之

樹德文明域。馳名翰墨林。學承先哲後。史纂古來今。
兼職始終勵。奉公夙夜欽。邸中豈惟悼。方外亦沾襟。

悼十竹居士 並序

十竹居士。姓本良岑。累葉武夫。氏稱佐佐寬永十
七歲。同生辰於齊孟堂。元祿十一年。隣死日。於釋
傳教。自少學佛。勤苦蓋有因乎。及壯爲士。名聲良
有以也。才識超類。無事不知。聰明絕倫。無書不讀。
歷遊諸土。履子長之高蹤。奉事西山浴伯夷之清
化。嗚呼扁鵲不並世。誰救哲人之萎。子桑先歸泉。

徒遺心友之泣。謹賦鄙語聊代挽詞。

其一

可惜豪英質。未經甲子周。坐隅何止鵬。夜壑忽催舟。
闕閱功名盛。廟廊才德優。斯人世難得。濺淚望山丘。

其二

多見涉諸子。一過知本源。曾遊苒蕪室。遂入仲尼垣。
守義明名分。舉才報主恩。雖形歸塚壙。百世慕忠魂。

延待九

己酉孟春日如松先生歸自京。見訪高槐茅檐。
聊呈絕句。

遠尋春色歷京華。吟盡山南山北霞。茆屋偶逢君子。
至風情唯有野梅花。

原元智訪余洛陽僑居

別後河山少信音。多年情厚斷剛金。相逢未盡平生
事。共對寒燈到夜深。

閏十月既望松永昌易先生携門生兩三輩來
訪寓居賦小絕呈之

月光自似水溶溶。浙瀝風聲庭上松。今夜翰林經陋
巷。由來茅屋少珍供。

橫山內記左門采女三大兄及木下順庵先生

樹

來過茅檐見賞離菊。卒呈佳賓。丁卯歲
春晚樊園手自栽。曾逢風雨未全開。無情應喜佳賓
至。黃白參差促興來。

孟春念有六日。三朵花蘭晚九臯。三子退史館
之次來觀庭梅。

一樹梅花飽占春。喜逢不速客三人。白醪雖薄有風
致。請賦佳詩示麗新。

鵜飼權平過弊居有詩。狎和韻

玉蕊金葩纔秀。離佳賓乘興偶題詩。留君秋晚設棋
局。坐隱手談歸去遲。顏氏家訓

鷓鴣

丙子仲春念八日。大醫驢庵先生臨衡門。欽呈
巴律
茅齋茶_茶柱高軒。懶性晨興掃小園。梅_梅蘂遺香傳杏
萼。菊_菊苗成綠倚松根。風收偏喜祝融穩。雨對正蒙東
帝恩。當日寒廚隨所有。鹿茶淡飯代珍殮。

夏日芝山師見訪

微雨初晴見海霞。明窓獨坐日已斜。松發清籟何須
瑟。鳥為鼓吹不假蛙。蘭芽將效猫頭笋。薔薇亦繼胡
蝶花。校書修史_史甘_甘休暇。製藥練丹送生涯。蛛網呼起
金縷子。隱趣便俾厭繁華。芝山老師偶來訊。邂逅逢

按芝山師名
和尙

練鍊誤或
煉誤

按石秀才謂石
井收之号三乃
花林野五并術
先生執友

此小釋迦休已顯洪一口吞筆驚風雨走龍蛇叢林
卻沒寒蔬氣語言三昧吐天葩善醫方便最慇懃慈
容相對宿痾瘥同來文士石秀才逸如騏驎出渥注
豪邁應笑吾苦思拙鈍安得擬八叉北隣村子鳳之
雛晚涼來會文雅加請師乘興題詩句與為唱和寫
素紗清新豈啻消煩悶萬丈光輝發我家

喜芝山師至得真字

庭際薰風臻綠陰掃暑塵
庭蘭無俗氣松菊見天真
支許交情舊黃陳詩語新
可憐羈絆者景慕一閑人
友來得久字

目錄問作訪
為是

夏雨新晴時書齋會良友
平生經史眼吟餘亦何有
先嘗棋悶茶輒酌合歡酒
珍重唱和多少妙語傳悠久
進藤和州刺史已催歸裝
偶來問儼塾呈詩伸
別意丁丑歲

糲飯寒蔬野興加貧家謾道擬詩家
請君有意追春日吟取常陽無數花

乙酉仲春既望赤林富永兩執政城代小山氏
見訪儼塾二首

呈赤林執政

月梅開宴是非諂為慰平生勤政務
清酒自然勸聖

比

道指揮仰望越蕭曹

呈富永執政

雅宴今宵慰政勤。坐花醉月解紛紜。平常賤霸心希聖。造次論仁情愛君。

呈城代小山氏

塾傍梅秀月猶圓。聊請佳賓爰肆筵。又有富言充盛饗。一時講話魯論篇。

三木成蹊承命移居於江戶邸。偶見訪儼塾賦詩。送行云乙酉春

忠情無處不家鄉。承命移居喜甚長。他日雖陪綺羅

席。故山烟景莫相忘。

又和成蹊偶成韻

今春會擬去年春。花卉迎賓箇箇新。記得裁詩悲義士。忠魂感動共傷神。

偶想去春成蹊來會儼塾。與兩三輩共賦詩歌。弔大石內藏助已下四十餘人。義士今日亦有去年客在座。追歎往時。因詩中及之。

尋訪十

晚訪松風洞己酉歲

西山落日半邊時。月上巖峰風色奇。此景思君尋古

寺林間清興客先知

早春訪慶瑞寺龍溪和尚

山村景色温春至給孤園宴坐離明暗經行任曉昏
厭忙其間寂休學絕勞煩自出塵衢故居然見道源
宴坐經行
出釋典

訪寶積寺松山師

盤結草庵寄此生深禪無味味虛清農夫荷耜過前路
春藪無入只鳥聲

過大安寺和鐵崖禪師韻

春泉煎茗小團龍回首山林興已濃借問好詩何處

在浣花溪上草堂松

過妙心寺保福庵呈義空上人

名藍甲古今梅樹鬱蕭森衣鉢隨分衛鐘磬發梵音
鹿來聞書誦龍遶聽晨吟何用高峰遠此山自少林
分衛出
釋典

訪藏六師隱居

閑堂宴坐獨優游除卻塵勞萬事休麋鹿群行青野
外龍蛇渾雜碧江頭枕溪幽聽山間瀑登嶂遠觀畿
內州風古調高老禪德喫茶茹餅又何求
訪天台律妙立上人草庵

追尋雲外客。獨步出塵衢。雨後清涼滿。日中熱惱無。
戒香薰北嶺。慧力動西都。鴻起醫王道。勃然羣庶蘇。

題傳奏館西窓 並序

傳奏館留守牧田雅丈伊左衛門種重當居處西有方尺
之窓。壯觀最多。本城殿舍麗於建章宮西。九樹竹
美於梁王園。權門來往。終日駱驛。裝舟去留。尋常
參差。清風來時。有義皇。上世之樂存焉。一日予訪
其居。酒闌開窓。卒題小詩云 辛酉歲
金城鬱鬱佳氣繁。碧水溶溶靈物蟠。間窓咫尺無邊
景。又望士嶺動吟魂。

駱驛恐絡繹

義義訛

夏日過弘文館訪水嶋啓迪子環堵和偶成韻
德高周子舍。書滿鄴侯家。壇上連雲杏。池中擎蓋花。
南望滄海濶。西顧士峰遐。風月不招至。亦無俗客遮。
冬日訪中村伯行書齋

愛淡其閑佳興催。淒涼冬日喚詩來。風鳴碧玉三竿竹。
寒鎖清香一樹梅。架上西陽書卷積。床頭赤壁畫
圖開。曲肱談笑論千古。夏酌匏樽挽暖回。

過吉弘子常亭 並序

暮春念四菊潭吉弘子常邀高賓賞烟景。余亦應
佳招。因次前日所惠芳韻。戲呈王翁兼助坐客哂

祭

春闈日日肆芳筵。同賞朝霞與晚煙。醫牖我唯疎藥
物。書房君亦倦陳編。綠濃林下誰無詠。花謝梢頭意
可憐。現耽黃鸝鳴竹裏。頡頏紫燕語簷前。忽看喚雨
斑衣翥。又見尋香粉翅翩。曾點浴沂遊物外。遠公出
社過橋邊。泛河回棹崖藤蔓。行路携筇野草芊。酒病
已瘳須唱和。從今互秉酒詩權。

過藥園呈好青館主

異種千叢洗雨清。土肥園廣徑縱橫。芳花綠葉參差
列。紅甲紺芽次第生。樹下淹留佳興至。塢間徐步宿

痾平當時修藥未詳盡。今日堪歡得識名。

訪今井順齋

乘閑今日訪醫門。茗飲蔗漿除悶煩。陣陣薰風還上
世明窓。使我養靈根。

過二水成蹊亭卽席和韻

一酌浮蟻忘百愁。陶然真趣世無求。逢君語處空胸
次。坐了清風一味秋。

秋夜應井上玄桐招卒和王翁韻

涼度閑窓燈火親。閱書師古道通真。當時風景堪擦
我。今夜月光尤悅人。丙穴珍羞情更厚。青州佳味興

彌新園中收芋，少陵意羨子，富詩家未貧。

季秋應拾遺大友君佳招

秋晚問芸局，菊芳樹未疎。座陳殊土器，壁挂貴人書。
綠茗清風至，白醪塵慮除。舊功垂竹帛，閱閱仰高居。

史館歸路從諸賢過十竹齋二首

暇日招賓催勝遊，畫杯共飲月支頭。一宵清話皆文字，豪氣發來論戰不。

墻外種桃花未成，窓前栽竹綠新生。蕭然環堵無塵事，一洗古今習次清。

題鈴木勇山山莊戊寅歲

戊戌記

林泉稱意望無窮，佳興尋常屬玉翁。一派長江流遠近，兩傍飛瀑響西東。郊村離市弭塵氣，亭榭藏祠扇德風。何用倚虛衿沈澹園中養志學溫公。

過壽久老人納涼亭

三間水榭望無涯，倚檻忘歸日已斜。波動嫩荷魚躡躍，風鳴茂樹鳥婆娑。柳堤何客分新綠，竹浦誰家占落霞。偶有文宗乘興至，請揮巨筆吐奇葩。時安積子先來在坐

送別十一

難波送賢室禪德歸武庫丙午春

喜遇慈容老鉅禪，新交舊話擬忘年。浮杯行樂難波

畔飛錫歸裝武庫邊。綠柳和風留別袖，紅梅映日接離筵。慇懃相約重遊地，明月蘆花一樣天。

送通仙院王赴東武己酉春

洛陽三月好風光，何事東行萬里裝。士嶺雪殘望幾度，武城春暖興尤長。松根經歲茯苓老，杏樹衝霞花萼香。換骨靈方醫國術，民人尚可仰岐黃。

將還高觀留別松風洞

荏苒歲華晚，雪中梅萼多。素心思定省，別意發吟哦。詩學杜陵老，易希安樂窩。會筵今夜耳，明日隔山河。

送原元智歸家

清話暫忘良日長，句餘未得盡書囊。問君何事催歸去，云是將修肘後方。

送如松先生歸難波

邂逅致情清話長，無涯好景水雲鄉。客舟明白南行後，檐外紅楓任曉霜。

送森田孝之赴東武三首並序

森田孝之淑裝于東武，途中相見別懷未盡。古人送行以贐，又仁者送人以言，不佞無由致贐，聊以所聞爲詩三章寄之。

東道幾回奉主君，生平用志武兼文。不憂不畏不迷

感仁智勇中須謹勤
夜寢夙興勞此躬。進思補過退思忠。須資恭敬慎言
行。孔孟吾師四海同。
莫向光風學朗吟。昔年神禹惜寸陰。花園柳巷何堪
樂。盡力須收自己心。

送長谷川一庵歸雲州松江二首並序

長谷川一庵在京爲予同寮友相語八月寧如十
年春白秋宵曾共寢食今爲定省歸京歸雲州松
江別袖淚痕無奈之何於是裁一詩展寸情云爾
嗟君此別取長途西北支離天一隅猶想屋梁殘月

夜夢魂相共在江湖

遊子遠行歸故鄉。浮雲千里攪愁腸。臨岐樽酒頻傾
盡。三疊陽關曲轉長。

相田信也投詩送我東行懇勸告戒次韻報之

庚申歲

君子存身恒樂天。巍巍才質德淵淵。好詩投我引犧
易。行坐吟看掛目前。

祖送石尾氏一翁奉使赴日光山

霜風凜烈暮冬天。征馬遙登黑髮巔。正識逍遙雲外
境。暄光帶得迓新年。

送山勝重顯子赴于水戶

秋晚倉皇發武陵。寡聞增恨遠良朋。荆川波上霜風至。箕嶺雲端素月昇。肺病所憂唯在酒。貧家臨別更無贈。遙知君子淹留處。灑洛儒風自勃興。

送三崎玄甫赴遠州金刺

偶為登遊沂海東。十程關路嘯西風。發時籬菊未全綻。歸日山楓已吐紅。

送大串子平使長崎

奉使之崎港。乘槎八月秋。西望滄海濶。東顧故園悠。氣霽晨馳馬。霞開晚進舟。月圓明石浦。景美下關樓。

看鴈出邊塞。聞猿過峽流。迎時叢菊秀。挾道岸蘆稠。公事經三月。壯觀窮九州。殊方逢異客。勝境促佳遊。筆陣鍾才傑。文談見學優。阿誰如李杜。何士是韓歐。恰似圖求駿。安知占得侯。歸時風漸烈。調護受天休。

送驢庵先生赴洛陽

勝日淑裝東武濱。誰言是為問。芳春青囊隨。用仁賢志。不在煙霞在濟民。

送惠明院王于真間續橋

偶送佳賓逢曉晴。綠陰處處子規鳴。此遊當續續橋上。樽酒何憂離別情。

送中村伯行歸武陽

夙被恩輝赴武城。春林處處踏花行。請君有句遙投去。好繼前年月下盟。

祖送自息軒王上京

秋取西途幾日程。秋花楓葉助吟行。涼風迎駕紅塵浥。曉霽催裝白露橫。小野法流逢臆滿。室生齋會待春時。華京雖美莫留滯。三鈿先飛在永城。

送伯行侍西山

何論殘暑燥雲空。處處含涼空翠林。鏡月照來霞浦渚。金風吹盡筑波陰。郊村晴曉蝴蝶噪。驛路黃昏蟋蟀吟。

蛩吟日夜西山浴清化。新詩自是繫人心。

重九日送安積子先侍西山用中村伯行韻

出入匪躬君子家。叢金誰謂菊生涯。涼風明白西山路。心在公程不在花。

正宗寺雷啓和尚偶訪

龍作公旅舍。今夕辨

歸山

公送以律詩。謹賦一絕。聊付驥尾。述饒

別意

欲問高岩出翠微。今宵何背月明歸。池中賴有花君子。飽送清香滿衲衣。

重陽日會中村伯行家送板垣宗愔鶉飼金平

侍西山

雨餘秋色畫難成。吟盡常陽數十程。酷羨君先遊彼境，遙期我亦繼東行。龍山今日風流會，彭澤多年蘭菊情。藜藿珍羞勸客處，數盃頻酌泛黃英。

重陽送客

分秦少游詞寒鴉數點流水邊孤村九字為韻得寒字

霖雨新晴洗翠巒。羨君踏徧倚吟鞍。東門供給爰同美，北海清樽共合歡。盤上摘芳諸葛菜，盃中泛蕊屈原餐。離筵幸逢重陽日，話熟興濃秋未寒。

淺草川送佐佐子朴之西山用安積子先韻

一葦泝流維岸東。送行酌酒醉顏紅。梅墳懷古丹垣

目錄行作之

肩負記

柳牛社招涼綠樹風。新句互賡滿離席。高歌相和徹長空。明朝東路追秋景，何日共陪仙室中。

和中村伯行送余行水戶韻

丁丑春

煙霞開處暖光同。百里行裝東又東。多歲統交俱淨几，一朝含命被恩風。武陽恨負三春景，史館羞無尺寸功。君在錦城歌吹海，我遊西嶺水雲中。

赴水戶途中和大友牡丹窩王送行韻

東風二月河梁別。曉取長途逐霽輝。常陸煙霞欣稍近，武陽雲水恨相違。郊村多景要呵筆，山路餘寒訝透衣。文會許吾經幾歲，思君他日夢魂飛。

和中村源五送行韻

昆春出東武梅柳稍參差。送別斟芳酒。伸情寄好詩。索居雖有日。後會豈無時。坦道須行樂。樹風稱意吹。

和竹中通伯送行韻 並簡

前發武陽日。厚惠書並詩。綺句繪章味。腴馨芳且。柔禮意之厚。不知所謝。鞅掌之間。無由奉荅。在途中。押芳韻。書以流高眸。嗚呼大兄。夙懷雄才。而富春秋。僕豈不瞻企哉。至讀高文。幾回卷舒。不捨手。以示同僚。文士皆無不嘆賞焉。更期他日展鵬翼。於青雲之上。

文字清新絕點埃。英才進學近台魁。陽關唱曲王維柳。驛路贈詩范曄梅。春樹逶迤牽興去。暮雲飄颻入吟來。相思數日如經歲。再會何時眉宇開。

和石尾介然子送行韻

離別江東無限情。盡辭交友踏春行。病身鍛鍊粉酬句。慈母懼惊黍惠錫。東路誰言類夷貊。西山我意擬蓬瀛。杳然佳境君應羨。雪月花中寄此生。來詩押簾。僕次韻作。

送小宅子卜赴彰考館

行取西途雨雪霏。歸時應見柳依依。三春史館稀休

瀛途中不携書。無由泛求。故以音同用瀛字。且從蘓東坡次韻以程代砥例。

輝恐暉

日。百里公程逐落暉。江左繁華雖可羨。常陽風物豈
須違。正知進學英華發。長畧論文正我非。

送市川子固赴彰考館

磨勵功成學自深。由來資質是球琳。往交良友芝蘭
室。恒對古人翰墨林。只願工夫知大意。應須努力惜
分陰。先思公事莫回顧。何用為吾勞寄音。

送肥田執政赴江戶。謹述富邦強本之意。

文武並用不相悖。未有武衰文獨在。人不居業他心
生。放僻邪侈改其內。積惡陷罪刑網加。源本是因欠
教誨。教誨多端當孰先。勸賞不能遊民退。

勵恐礪

送武藤執政赴江戶賦湖上偶懷聊寄微意

渺渺彼湖水。涵影接長天。不盡流洋海。無防受細涓。
其或清明日。龍頭鷁舟連。或時民通利。來往泛片船。
貴賤雖爰集。曾不改其淵。無心無憂喜。維德近聖賢。
虞舜屢巡守。夏禹幾山川。大舉無勞費。中時行自然。
抱忠敬可敬。由仁憐可憐。敦下即安上。順天壽福全。
行欲莫偏倚。心欲莫攀緣。恭默常思道。德化如淵泉。
中村源五投詩送余赴江戶次韻伸懷

羈情何厭暑。佳句慰行人。命重催裝急。才卑苦思頻。
苗微憂亢旱。水盡問梁津。未得醫邦手。安今民物新。

論恐論
備

送酒泉道輔上番于江戶邸得飛字

縮柳送行牽客衣。朱明時節逐晴暉。唯思公事匪躬
故欲告思言奈力微。先論士林修德業。遂令君子備
温威。如今侍講開筵日。莫作回頭見雁飛。

投贈十二

春日憶難波得三子己酉歲

洛陽春欲盡。牆外兩黃鸝。林下櫻翻玉。池頭柳垂絲。
暮雲繞岫靜。落月照窓奇。會面何時是。天涯難作期。
十月晦日寄松風洞
山形兀兀似青琅。木葉飄零菊僅黃。人道小春今日

盡籬梅未見一枝芳

寄如松先生

歲律崢嶸又見春。君家尚未改清貧。誰人顧盼草廬
裡。何獨逸居南海濱。取義取廉窮進退。勞神勞力倚
經綸。詩篇日日龍蛇手。野景山光隨處新。

寄如松先生二十韻

昔在別先生。柳條已猗猗。一去之京洛。忽忽歲華移。
蘓李絕通信。登高獨傷悲。春風南海曙。百花自離披。
九衢樂清隱。雙鬢未成絲。如何高尚志。守廉擬伯夷。
獨立跨千歲。嗟世文藝衰。再繼謫仙緒。興起大雅詩。

天遊傲雲外。竹窓封葛藟。芳花留彩蝶。密樹栖黃鸝。
遙想沉謝徒。相倚弄酒卮。明月南窓夜。回頭望天涯。
一書難寄遠。風煙恨新奇。無人言詩病。把毫多苦思。
時有兩三友。經筵共驅馳。只勤鑽仰學。情田要耘耔。
臨支頭緒亂。平生失會期。焉得縮地杖。食霞咏熙熙。
雨前步水畔。雨後躋山崖。君若問草屋。應煎合風漪。

憶如松先生

雲衢杳杳望南邦。尺素遙遺鯉一雙。新月半庭微淡
夕。清風兩地寂寥窓。鷄催晨起堪驚戶。舟待秋來要
泛江。病句當時稀點檢。自憐無處洗詩腔。

呈松永昌琳子二首

並序

松永昌琳子僑居于攝陽。頃為觀省。歸洛陽。聊呈

二詩

其一

秋風梧葉落。鄉思大刀頭。情至望金月。詩成題碧流。
話言存久要。德色體溫柔。好是金城夕。同登多景樓。

其二

萬里秋光動。淒涼浪速濱。好音長寂寂。歡意始津津。
尋景伴知已。歸家對所親。願公千載下。道學繼關閩。
呈如松先生 兼簡

頃承尊候安愉。幸甚。甚聞醫門多事。無暇上京。悵望是深。更期明春侍于竹溪。承清誨耳。昨九月盡。幽窓岑寂。閑吟有餘。乃賦一律。遙備高眸。風飄殘葉。滿池塘。九十秋光。辭洛陽。折葦枯荷。開暮景。紅楓寒菊。帶新霜。誰家砧杵。數聲響。何處笙歌。一曲長。緬想難波江上興。嘆嗟無路寄文章。

呈如松先生 并簡

不佞癩牛寓居於京師。久闕問候。方今朱明退謝。白帝施令。於是著鞭羸駭。遠陪絳帳。旌短情賦。小詩以斷點竄。

舊時違泰斗。今日寄羈身。竹牖元無暑。梅樓別有春。還丹濟民物。皐比化鄉隣。且喜從吟杖。同遊浪速濱。折碧桃花獻三品。千種君 甲寅歲 門外碧桃映絳霞。一枝折得獻君家。挿樽酌處遊塵外。黃屋當看仙室花。

寄山脇自邇齋 并簡。癸亥歲

不佞昔在京都。受兵道於山脇自邇齋。不幸而流落諸方。一別隔山。參商有年。家業日繁。世事無暇。懶惰之性。只厭勤勞。不奉書問禮義。廢替是故。深蒙譴責。無由謝失禮。於是作詩。欽以奉謝。

西漂東泊，旅生涯。終日忙忙，歷市街。未顯囊中毛遂子。太公一卷卷收懷。

秋晚偶成呈驢菴先生求和

爽吟秋日晚，籬畔思悠然。風度飄黃葉，霧收揚翠煙。西山雲合幕，東海月開弦。想像明窓下，新詩疊幾篇。

抽籬菊數種贈中村伯行

孟冬之末菊猶存，金蕊傲霜小竹垣。想得去年留諾在手，抽數種納芳園。

秋盡日折庭菊，贈牡丹宮王節時見惠詩次韻
申謝

三秋將盡，痛情時。庭際侵霜，菊數枝。折得寄君助幽賞。正知佳色入新詩。

雪後偶懷寄井上玄桐

同雲千里散瑤瓊，幾度馳情水戶城。無限山川加潤色。朝來一望畫難成。

丁丑春移居水戶寄肥田源內

聞說此居君所造，偶然來住思無窮。明窓寥廓宜吟月，脩竹琮璤好嘯風。立對軒梅賞春徧，坐看庭雪祝年豐。卻慚羣卉應饒笑，踈懶招徠仲蔚蓬。

秋日寄宮井道先

攬睡秋聲滿四林。荒涼物色豈無吟。密雲斷處橫賓
雁。碩果殘枝集野禽。楓著盛粧輝竹外。菊誇幽意秀
松陰。詩盟久背荆生口。世事日多茅塞心。羨子齒疎
顏益健。恨吾頭疼病頻侵。定知新句淨人目。莫惜應
需頒粹金。


四要詩呈富永執政

勿急勿緩要時中。無私無枉要至公。鑑往察來要廣
問。賞罰褒貶要衆同。

呈石尾阿州刺史

再逢君子我心和。相對切瑳又琢磨。身正自然堪化

俗行廉好是可勸。他民如怠慢教難及。士或困窮救
奈何。厚本富邦循吏德。採桑應賦野人歌。



常隨佛學子道子

釋智謹



